

tes. 1910, tapoiponatag tjel ageta-
ig,—ngotei Malitj Tjan Misel ag el-
patotjtj teloisitag Tjan Stipen 6
tepg. tetotjegag, nepgenag sonmin-
geoeiag 6 tes.

Oegôpegitg noel. tepg 29 tes.

—tlisip nepgepenag Toma Pelna-
lôg elp ignemot mesgig aîames 17
tes. pon. tepg.

ISITOL AGOSTINOG.

Isitôl Agostinôg tanag oetagit-
tag migmaoitog ag neogt sagma-
oisenag noplosoitjga, eloigeneg tesi-
pongeg gisi eigeg nôlotg pastonga
nepges sisteoeieg oelaogeg, ponane-
iomgeoei tepg. 20 tes. 1909, gis tóg
tapoipongeg gpagaminag 65 tesipon-
atag, nôgemingeoei matnetj, gisi
gsinogoatga metlasogonag tjel ne-
ogt. Naglaseni otepitemel Gatlin-
al, ogoisel Pielal ag ogtoisel Mali-
al. Netaoitôg milamog tan gôgoei
gemotjei lnoi logôoaganitog, ag o-
eltegeoel ligpenigenel. Espigsitele-
msepéniga ogtotmeaga ag oagla ta-
nga ipetji lolsepeniga.

Melsigenatig tetli osgitjinoisenag
ponaneoimgeg 1844, ogoisoasepena
Piel ag Malgelit Agostin. Gesg no-
tgoeeg pigoeli ali mitogoesenag
pastongeoagig gagisonemigsilitji pi-
loe lno gisi mitogoolaseni. Natami
nesisgegipongeg tjel pesgonateg gp-
agaminag tlisip sagmaoalosenag
tan oetagitj otnapponeoan oggla-
mogsisel. Neoipongeg teli pgitji
sagmaoitog menasisenag ag ngotio
nôlotg pegisingesenag, eloigeneg te-
sipongeg algatigesenag oia giotôgio
magamigeo aliosisenag teogagtjtj-
el engasigelpigoelgel magamigal
pastongeoagig ag ganataoagig; me
gitjga ali ntogolisenag, sgato gio-
nagatj eli igalsisenag ogtliton lig-
penigenel ag gtegel gemotjeiel gô-
goel.

Negla nipeg 1907 emitogatges
sagaœi ometgi pigôpg melsignatig
tan tet oetji msengec mgamlamo-
nei oetjioemgeoei sagaœe oôgoma;
pôgtogasena mset tami giotôgio o-
la magamigeo emitogatgesenel gte-
gel lnoegatil angonagenes gasim-
telnagnigel maille goitenigtog; te-
laptemegsep elegeoitoei aliemg,
meta pigoeli oitjeot negaoa.

Natami nesesitjig tepgenosetjig

na totjio gagiagsep tan teli algoatj.
Melsigenatig eimelitjel oitjgetiti-
tjel ag 12 tesilitji olo₂s₁ ag oseme-
mi; neogtetjit oagla tan sagmaoip
Sapiel Agostin.

Oeli otgotalos espagamigegeoei o-
tgotaganegatig, gisi apôgônemos
mesgig nepgeoei alamesigtog Sg.
Gatlin otalalotmôgoômigtog.

Elp pastongeoagig OILMINTÔNG
—8 tes. noel. tepg. 1910—tlisip ne-
pgag Maltan Tj. Oelmetôg ogela-
mogsisoigtog Salnala, 28 tetotje-
gag, naglatji otepitemel Malgelital
ag neogtetjilitjel oitjgetititjel. Ta-
nig emitogoalatisena gisna tegôte-
mitis ogela eta, Toma Maltan ag
otepitemel, Lopai Maltan, Gatlin
Agostin, Mali Agostin, Lipai Glô-
spel, ag elp tasisitjig aglasieog ge-
sallititeg. Alasotmelseoanetj.

ONAMAGIG—sitne epites nepg
Antle Patiss otosel pôtlôtog tlei, Aletôg
teloisitag 17 tesiponatag. Sgemtog e-
pit gesinogoat Pelsit Gôp. Elp lapi-
gôt igag esgisôgnig lnoigtog. [Piel
Pal setni mesneg oenjigoôm oegogem
ignematj Noel Silipaial, gisitôgôp oia
nige nippa, gelolg ag oelteg, golaman
oelitasit mesnega. Sgemtog Piel Ai-
sig ponatôg oigeg telsetemang netois-
geung. NIN N. A.

LISTOGOTJG—gisi noel. 29 tes.—
gisgog otgotalotag gisigoag Noel Mal-
sanôg, gtegi olago oantagi npegag, lôg
gisigoitag etog 85 tesiponatag.

SPRINGHILL jc.—Malois Tôpi
me mimatjit tjel nin nemigep[te. Me
gato môgoe gisi telitetememeg ontai
telgigten egsoôgôn lnoigtog glapis mali-
gôtetemeg npoagan. Tali npeteo tan teli
maligôteteget? NIN P. A. T.

Lsipogtog—22 tes.—tlesip piltoi ila-
tasoltipenig Maltan Plansis, Môis
Plansis, Plensoe Sapie Agostin, Palti-
na Saimon, Misel Sag, Sôsep Glél, San
Saimon, Oelliam Tjô, Oelliam Plansis,
Sôsep P. Pal, Egian Teni, Tjotj Teni
ag elp gisigo Egian Glemen; tôgo epi-